

5

HRINGVEGUR (1):

Deiliskipulag efnistökusvæðis vegna
breyttrar legu Hringvegur í Hornafirði
Náma 6 Skógey

SKIPULAGSLÝSING



Sveitarfélagið
HORNAFJÖRÐUR

11. apríl 2017

HRINGVEGUR (1)

**Deiliskipulag efnistökusvæðis vegna breyttrar legu
Hringvegar um Hornafjörð**

**Náma 6 Skógey
Skipulagslýsing**



Sveitarfélag: Hornafjörður

Skipulagsráðgjafi: Vegagerðin



EFNISYFIRLIT

1. INNGANGUR	1
2. DEILISKIPULAG EFNISTÖKUSVÆÐIS	3
2.1. <i>SKIPULAGSSVÆÐIÐ OG STAÐHÆTTIR</i>	3
2.2. <i>VIÐFANGSEFNI OG ÁHERSLUR</i>	3
2.3. <i>MARKMIÐ</i>	3
2.4. <i>FYRIRLIGGJANDI STEFNA OG AÐRAR ÁÆTLANIR</i>	3
3. KYNNING OG SAMRÁÐ	4
4. HELSTU TÍMASETNINGAR	4



1. INNGANGUR


Ákveðið hefur verið að leggja nýjan Hringveg um Hornafjörð því núverandi Hringvegur (1) um Hornafjörð svarar ekki nútíma kröfum um umferðaröryggi. Fjölmargar tengingar liggja inn á veginn og ein lengsta einbreiða brú landsins liggur yfir Hornafjarðarfliót. Við framkvæmdina stýttist Hringvegur og einbreiðum brúm fækkar um þrjár.

Framkvæmdin hefur verið tilkynnt til Skipulagsstofnunar í samræmi við 6. gr. laga um mat á umhverfisáhrifum nr. 106/2000 m.s.br. Unnið hefur verið umhverfismat fyrir framkvæmdina og finna má matsskýrsluna á heimasíðu Vegagerðarinnar

<http://www.vegagerdin.is/framkvaemdir/umhverfismat/matsskyrslur/>

Í aðalskipulagi Sveitarfélagsins Hornafjarðar er kveðið á um að deiliskipuleggja skuli námur sem eru stærri en 50.000 m² eða ráðgerð efnistaka meiri en 150.000 m³. Náma 6 Skógey fellur innan þeirra marka. Við leyfisveitingu lá fyrir hönnun að frágangi námunnar. Samskipti við landeigendur varðandi efnistöku eru þegar hafin. Samskipti við landeigendur varðandi efnistöku eru þegar hafin. Sveitarfélagið Hornafjörður ráðgerir í samráði við Vegagerðina að hefja vinnu við gerð deiliskipulags efnistökusvæðisins. Framkvæmdin er innan sveitarfélagsmarka Hornafjarðar. Um er að ræða deiliskipulag efnistökusvæðis sem skilgreint er á aðalskipulagi.

Tillagan er unnin á grundvelli gildandi Aðalskipulags Hornafjarðar 2014-2030 og umhverfismats framkvæmdarinnar frá árinu 2009.



Mynd 1. Úr Aðalskipulagi Hornafjarðar 2014-2030 (Gláma-Kím, VSÓ ráðgjöf, 2014).



Mynd 2. Efnistökusvæðið Skógey.



Mynd 3. Deiliskipulagssvæðið.

Svæðið er skilgreint í aðalskipulagi sem efnistökusvæði 35 (E35) og nefnist Náma 6. Umhverfis námuna er landnotkun skilgreind sem skógræktar og landbúnaðarsvæði, rofsvæði. Unnið hefur verið að landgræðslu í Skógey síðan 1984 og er því nú að mestu lokið.

Um námuna segir í aðalskipulagi *E35 – Skógey – klapparholt – grjót – 11ha*. Náman fellur í stærðarflokk 5 sem felur í sér að vinna þurfi deiliskipulag fyrir efnistökusvæðið.



2. DEILISKIPULAG EFNISTÖKUSVÆÐIS

2.1. SKIPULAGSSVÆÐIÐ OG STAÐHÆTTIR

Efnistökusvæðið er í Melsendahrauni á Skógeyjarsvæðinu. Um er að ræða þetta jökulsorfna þóleit klöpp eða hvalbak sem rís í 14 hæð upp úr söndunum í Skógey og vísar brattur hamraveggur til suðurs en aflíðandi halli er til norðurs. Yfirborð holtsins er grasi gróið en í suðurhlíðum þess hefur sandur fokið upp í miðjar hlíðar á klettahamrinum og hylur hann að stórum hluta hamarinn. Námusvæðið er töluvert norðan við nýja veg og þarf því að leggja námuveg að námunni.

2.2. VIÐFANGSEFNI OG ÁHERSLUR

Viðfangsefni skipulagsins er að skilgreina heimildir fyrir tímabundna notkun lands til efnistöku vegna framkvæmdarinnar en þó er gert ráð fyrir að efnistökusvæðið verði framtíðar efnisnáma. Endanlegt útlit námunnar verður hannað í samráði við Umhverfisstofnun og frágangur hluti af útboðsverki. Kröfur eru gerðar að landi utan efnistökusvæðis má ekki raska nema á afmörkuðum efnistökusvæðum og skeringum, halli fláa á grónum svæðum má ekki verða meiri en 1:3 til að tryggja að náttúrulegur gróður geti náð sér á strik. Við uppgræðslu efnistökusvæðis sem eru á grónum svæðum verður gætt að grenndargróðri þar sem það á við. Svarðlag og jarðvegur sem er ofan á efnistökusvæðum verður nýttur til að endurheimta þann gróður sem fyrir var en auk þess verður áburður og sáning notuð eftir atvikum.

2.3. MARKMIÐ

Gerð deiliskipulagsins er þáttur í því að hrinda í framkvæmd vegabótum á Hringvegi um Hornafjörð. Markmiðið með gerð vegarins er fyrst og fremst að auka umferðaröryggi, draga úr slyshættu, stytta vegalengdir og tryggja góðar samgöngur á svæðinu.

2.4. FYRIRLIGGJANDI STEFNA OG AÐRAR ÁÆTLANIR

Tillagan er unnin á grundvelli gildandi Aðalskipulags Sveitarfélagsins Hornafjarðar 2012-2030. Tillagan byggir á mati á umhverfisáhrifum Hringveggar um Hornafjörð.

Fyrirhugað efnistökusvæði er á aðalskipulagi sveitarfélagsins. Ekki er í gildi deiliskipulag á svæðunum eða í næsta nágrenni þeirra sem deiliskipulagið gæti haft áhrif á. Landnotkun umhverfis efnistökusvæðið er merkt sem skógræktar og landgræðslusvæði á aðalskipulagi.

Ekki er um sérstæðar jarðmyndanir að ræða né gróðurfur en svæðið er nokkuð áberandi og því telst svæðið hafa meðal verndargildi.

Á fyrirhuguðu framkvæmdasvæði eru engar landslagsgerðir sem njóta sérstakrar verndar skv. 37. gr. náttúruverndarlaga nr. 44/1999.

Samgönguáætlun

Framkvæmdin er á samþykkttri Samgönguáætlun, framkvæmdaleyfi liggur fyrir og áætlað er að hefja framkvæmdir á þessu ári, 2017. Framvinda síðar ræðst af fjárframlögum.



Umhverfisáhrif

Náman er tekin fyrir í mati á umhverfisáhrifum unnið í apríl 2009 en fjallað er um námuna í skýrslunni.

Almenn lýsing

Efnistökusvæðið er í Melsendahrauni á Skógeyjarsvæðinu. Um er að ræða þetta jökulsorfna þóleift klöpp eða hvalbak sem rís í 14 m hæð upp úr söndunum í Skógey og vísar brattur hamraveggur til suðurs en aflíðandi halli er til norðurs. Yfirborð holtsins er grasi gróið en í suðurhlíðum þess hefur sandur fokið upp í miðjar hlíðar á klettahamrinum og hylur hann að stórum hluta hamarinn. Námusvæðið er fyrir norðan leiðir 1, 2 og 3 og þarf því að leggja námuveg að þeim. Náman er lykilmáma í verkinu (Tafla 8.7).

Vinnsla og frágangur

Tvær hugmyndir koma til greina við vinnslu námunnar. Annars vegar er möguleiki á því að vinna námuna til norðurs í átt frá veglínunum. Sandurinn sem hylur hamravegginn að hluta verður tekinn frá. Hann verður bæði notaður í vegfyllingu og til frágangs á námunni. Við efnistöku verður hvalbakið unnið inn frá hamraveggnum. Með öðrum orðum má segja að hamraveggurinn verði færður inn. Frágangur námunnar mun þá felast í því að skilið verður við námustálið í fláa 2:1-1:1 en leitast verður við að fella fláa þess að óröskuðum svæðum í jöðrum efnistökusvæðisins. Hins vegar er möguleiki á því að vinna námuna norðan frá í hvarfi við veglínurnar. Þá yrði ekki tekinn laus sandur sem liggur utan í klapparholtinu að sunnanverðu í fyllingar eins og gert yrði ef tekið yrði efni að sunnanverðu. Form klapparholtsins myndi halda sér að mestu ef horft er til hennar frá austri vestri og suðri en geil myndi myndast í það að norðanverðu. Frágangur námunnar mun þá felast í því að skilið verður við námustálið í fláa 4:1-1:1 en leitast verður við að fella fláa þess að óröskuðum svæðum í jöðrum efnistökusvæðisins.

Verndargildi

Ekki er um sérstæða jarðmyndanir að ræða né gróðurfar en Skógey er nokkuð áberandi frá nýjum vegi (leið 1, 2 og 3) auk þess sem hún sést víða að í Hornafirði. Svæðið telst því hafa meðal verndargildi (3. flokkur).



3. KYNNING OG SAMRÁÐ

Leitað verður umsagnar hjá Skipulagsstofnun, Umhverfisstofnun, HAUST, Náttúrfræðistofnun Íslands, Fiskistofu, Skógrækt ríkissins og aðrar stofnanir sem hafa sérþekkingu á viðfangsefnum skipulagsins vegna lýsingar á skipulagsverkefni. Samráð verður haft við eftirfarandi umsagnaraðila á eða fyrir auglýsingartíma deiliskipulagsins:

- Landeigendur þeirra jarða sem framkvæmdin nær til.

Ef þörf reynist á að hafa samráð við aðra en áðurtalda aðila þá verður greint frá því í deiliskipulaginu.

Sveitarfélagið Hornafjörður kynnir skipulagslýsingu og deiliskipulag tillögu.

Deiliskipulagið verður unnið af Vegagerðinni í samráði við Sveitarfélagið Hornafjörð en framkvæmdin og efnistaka hennar vegna er háð framkvæmdaleyfi samkvæmt skipulagslögum nr. 123/2010 og það framkvæmdarleyfi liggur fyrir.

4. HELSTU TÍMASETNINGAR

	maí	júní	júlí	ágúst
Gerð skipulagslýsingar				
Umfjöllun og kynning				
Samráð um skipulagslýsingu				
Tillaga deiliskipulags				
Kynning og auglýsing tillögu				
Samþykkt sveitarstjórnar				
Afgreiðsla Skipulagsstofnunar				

5. HEIMILDIR

1. VSÓ ráðgjöf, 2009: *Hringvegur um Hornafjörð - Matsskýrsla*, Vegagerðin Reykjavík, 265 bls.
2. Náttúruminjasrá, 2016: Heimasíða Umhverfisstofnunar www.ust.is
3. Gláma – Kím, VSÓ ráðgjöf, 2014: *Aðalskipulag Hornafjarðar 2014-2030*, greinargerðir og uppdættir, apríl 2014. Sveitarfélagið Hornafjörður.